

Si Job ug ang Duha ka Kahoy

Basahong Kasulatan: Gen. 2:9, 17; Bug. 22:1-2, 14; Job 1:1; 2:3; 4:7-8; 42:1-6; Rom. 8:5-6

I. Segun sa diosnong pinadayag sa Kasulatan, dunay duha ka kahoy, duha ka tinubdan, duha ka paagi, duha ka prinsipyo, ug duha ka kahingpitan:

- A. Ang kahoy sa kinabuhi nagtimaan sa Tulo-usang Dios nga kinabuhi sa tawo sa relasyon sa tawo Kaniya; ang kahoy sa kahibalo sa maayo ug daotan nagtimaan ni Satanas, sa yawa, sa daotan, nga kamatayon sa tawo sa pagkahulog niini atubangan sa Dios—Gen. 2:9, 17; Sal. 36:9.
- B. Ang kahoy sa kinabuhi maoy tinubdan sa mga tawong nagtinguha sa Dios nga kinabuhi alang sa ilang sangkap ug pagpahimulos; ang kahoy sa kahibalo sa maayo ug daotan maoy tinubdan sa mga tawong nisunod ni Satanas nga hilo nila ngadto sa kamatayon ug walay kataposang pagkalaglag—Juan 1:4; 15:1; 8:44.
- C. Ang unang paagi mao ang paagi sa kinabuhi, ang sigpit nga dalan, aron magtinguha ang mga tawo sa Dios, makabaton sa Dios, ug makapahimulos sa Dios sa Iyang walay kataposang kinabuhi isip sangkap; ang ikaduhang paagi mao ang paagi sa kamatayon ug sa maayo ug daotan, ang lapad nga dalan, aron mosunod ni Satanas ang mga tawo ug maiyang mga anak—Mat. 7:13-14; Buh. 9:2; 1 Juan 3:10.
- D. Ang unang prinsipyo mao ang prinsipyo sa kinabuhi—ang prinsipyo sa pagsalig sa Dios; ang ikaduhang prinsipyo mao ang prinsipyo sa kamatayon ug sa maayo ug daotan—ang prinsipyo sa dili pagsalig sa Dios—Gen. 4:3-4; Jer. 17:5-8; Juan 15:5.
- E. Ang duha ka kahingpitan mao ang kataposang sangpotanan sa duha ka kahoy, duha ka tinubdan, duha ka paagi, ug duha ka prinsipyo:
 - 1. Ang kahingpitan sa paagi sa Dios sa kinabuhi mao ang syudad sa tubig sa kinabuhi, ang Bag-ong Jerusalem—Bug. 21:2, 9-11; 22:1-2.
 - 2. Ang kahingpitan sa paagi sa kamatayon ug sa maayo ug daotan mao ang linawng kalayo—19:20; 20:10, 14-15.

II. Ang tuyo sa Dios dili man pagpakabaton og Job nga naa sa linya sa kahoy sa kahibalo sa maayo ug daotan kondili sa Job nga naa sa linya sa kahoy sa kinabuhi:

- A. Ang pangatarongan ni Job ug sa iyang mga higala sumala man sa linya sa kahoy sa kahibalo sa maayo ug daotan; wala silay diosnong pinadayag ug kasinatian sa diosnong kinabuhi—Job 2:11—32:1.
- B. Nahunong si Job, sama sa mga higala niya, sa kahibalo sa husto ug sayop, wala masayod sa pamatigayon sa Dios—4:7-8:
 - 1. Si Job ug ang iyang mga higala wala sa linya sa kahoy sa kinabuhi nga gitudlo sa Dios alang sa tawo—Gen. 2:9.
 - 2. Gipasukad sa maayo ug daotan, sa husto ug sayop, ang hunahuna nila kalabot sa relasyon sa tawo sa Dios, nga hingpit gyong uyon sa prinsipyo sa kahoy sa kahibalo sa maayo ug daotan ug sa tawhanon, iya-sa-pamatasang hunahuna sa hulog nga tawo—Job 8:1-20.
- C. Naa sa ginsakpan sa kahoy sa kahibalo sa maayo ug daotan si Job ug ang iyang

mga higala; naningkamot ang Dios sa pagluwas kanila gikan nianang ginsakpana ug pagbutang kanila sa ginsakpan sa kahoy sa kinabuhi—1:1; 2:3; 19:10.

- D. Ang tuyo sa Dios sa pagtagad Niya ni Job pagpahilayo man kaniya sa paagi sa maayo ug daotan ngadto sa paagi sa kinabuhi aron mabatonan niya ang Dios sa kinahingpitan gyod—42:1-6.

III. Nagkinahanglan tag panan-awon sa kahoy sa kinabuhi—Gen. 2:9; Bug. 22:1-2, 14:

- A. Nagtimaan ang kahoy sa kinabuhi sa Tulo-usang Dios diha ni Cristo nga magpaambit sa Iyang Kaugalingon sa Iyang piniling katawhan isip kinabuhi ingog kalan-on—Gen. 2:9.
- B. Ang kahoy sa kinabuhi maoy sentro sa uniberso:
1. Sumala sa tuyo sa Dios, ang yuta maoy sentro sa uniberso, ang tanaman sa Eden maoy sentro sa yuta, ug ang kahoy sa kinabuhi maoy sentro sa tanaman sa Eden; busa, nasentro ang uniberso sa kahoy sa kinabuhi.
 2. Wala nay labaw pa kasentro ug kamahinungdanon para sa Dios ug sa tawo kaysa kahoy sa kinabuhi—3:22; Bug. 22:14.
- C. Nagpadayag ang Bag-ong Tugon nga si Cristo ang katumanan sa hulagway sa kahoy sa kinabuhi—Juan 1:4; 15:5.
- D. Ang tanang aspeto sa malangkobon-sa-tanan nga Cristo nga gipadayag sa Ebanghelyo ni Juan lugwa man sa kahoy sa kinabuhi—6:48; 8:12; 10:11; 11:25; 14:6.
- E. Ang pagpahimulos sa kahoy sa kinabuhi maoy walay kataposang pahat sa tanang tinubos sa Dios—Bug. 22:1-2, 14:
1. Gituman sa kahoy sa kinabuhi sa eternidad ang gitinguha sa Dios alang sa tawo sukad sa sinugdan—Gen. 1:26; 2:9.
 2. Ang mga bunga sa kahoy sa kinabuhi maoy kalan-on sa mga tinubos sa Dios sa eternidad; kanunayng bag-o kining mga bungaha, kay gipamunga man matag bulan—Bug. 22:2.

IV. Nagpresentar ang duha ka kahoy sa Genesis 2:9—ang kahoy sa kinabuhi ug ang kahoy sa kahibalo sa maayo ug daotan—sa duha ka prinsipyo sa pagkinabuhi:

- A. Nagpakita ang duha ka kahoy nga makakinabuhi ang Cristohanon segun sa duha ka managlahing prinsipyo—ang prinsipyo sa husto ug sayop o ang prinsipyo sa kinabuhi—1 Cor. 8:1.
- B. Nagtinguha si Job ug ang iyang mga higala og butang diha sa ginsakpan sa pamatasan, apan magtinguha gyod tang mga magtutuo ni Cristo og butang diha sa ginsakpan sa Dios—15:28; Efe. 3:16-21.
- C. Ang pagka-Cristohanon dili man kalabot sa prinsipyo sa husto ug sayop, sa prinsipyo sa maayo ug daotan; kalabot hinuon kini sa kinabuhi—1 Juan 5:11-13, 20:
1. Sa nadawat na nato si Ginoong Jesus ug naato ang bag-ong kinabuhi, nabatonan nato ang laing prinsipyo sa pagkinabuhi—ang prinsipyo sa kinabuhi; kon wala ta masayod ning prinsipyoha, ipadaplin nato ang prinsipyo sa kinabuhi ug mosunod sa prinsipyo sa husto ug sayop.
 2. Sa praktikal nga pagkinabuhi nato wala tingali ta sa linya sa kahoy sa kinabuhi kondili naa sa linya sa kahoy sa kahibalo sa maayo ug daotan—Prov. 16:25; 21:2.
 3. Sa inadlawng pagkinabuhi nato dili gyod unta ta maanaa sa ginsakpan sa kahoy sa kahibalo sa maayo ug daotan kondili naa sa ginsakpan sa Espiritung taghatag-og-kinabuhi—1 Cor. 15:45; Rom. 8:2.

4. Aron makakinabuhi segun sa prinsipyo sa kahoy sa kinabuhi, mosunod gyod ta sa pagbati sa kinabuhi sa sulod—v. 6; Efe. 4:18-19; Isa. 40:31:
 - a. Ang pagbati sa kinabuhi sa negatibong bahin mao ang pagbati sa kamatayon—Rom. 8:6.
 - b. Ang pagbati sa kinabuhi sa positibong bahin mao ang pagbati sa kinabuhi ug kalinaw, nga dunay pamatyag sa kalig-on, katagbawan, pahulay, kasanag, ug kahayahay—v. 6.
5. Magkinabuhi ngani ta segun sa prinsipyo sa kahoy sa kinabuhi, dili ta magtagad sa maayo ug daotan kondili sa kinabuhi, ug maila nato ang mga butang dili segun sa husto ug sayop kondili segun sa kinabuhi ug kamatayon—Gen. 2:9, 16-17; 2 Cor. 11:3.

V. Tanang tinuod nga magtutuo ni Cristo gamayng tanaman sa Eden, nga naay Dios nga kahoy sa kinabuhi sa iyang espiritu ug naay Satanas nga kahoy sa kahibalo sa maayo ug daotan sa iyang unod—Gen. 2:9; Rom. 8:2, 5-6:

- A. Gamayng tanaman sa Eden ta kay naa man sa sulod nato ang nagtrayanggulong sitwasyon nga naglambigit sa Dios, sa tawo, ug ni Satanas—Gen. 1:27-29; 2:9, 16-17:
 1. Sa wala pa mahulog ang tawo, naa sa gawas niya ang kahoy sa kahibalo sa maayo ug daotan ug ang kahoy sa kinabuhi—vv. 9, 16-17.
 2. Tungod sa pagkahulog naa na nato ang kahoy sa kahibalo sa maayo ug daotan, ug tungod sa pag-anak pag-usab naa na nato karon ang kahoy sa kinabuhi.
 3. Nasagol sa Tulo-usang Dios ang atong espiritu, ug nasagol sa masal-anong elemento ni Satanas ang atong lawas, nga nahimo nang unod (1 Cor. 6:17; Rom. 5:12; 6:6, 12); naghimo kini sa Cristohanon nga gamayng tanaman sa Eden.
- B. Isip mga tawong girepresentahan ni Adam sa Genesis 2, naa sa atong espiritu ang kahoy sa kinabuhi ug naa sa atong unod ang kahoy sa kahibalo sa maayo ug daotan—v. 9; Bug. 2:7; 22:14:
 1. Mokontak ngani ta sa kahoy sa kahibalo sa maayo ug daotan, mamatay ta; mokontak ngani ta sa kahoy sa kinabuhi, mabatonan nato ang kinabuhi—Rom. 8:5-6, 10.
 2. Modapig ngani ta sa kahoy sa kahibalo sa maayo ug daotan ug mokontak ni Satanas, makinabuhi nato ang kinabuhi ni Satanas, ang yawa, ug moresulta kini sa kamatayon—2 Cor. 11:3; Rom. 3:23; 1 Juan 3:4.
 3. Modapig ngani ta sa kahoy sa kinabuhi ug mokontak sa Dios, makinabuhi nato ang Dios, ug moresulta kini sa kinabuhi—Juan 11:25; 14:6; 15:1, 4-5.
- C. Gipakita sa Roma 8:5-6 ang gamayng tanaman sa Eden, nga naay unod ug kamatayon sa usa ka bahin, ang espiritu ug kinabuhi sa pikas bahin, ug ang salabotan sa tungatunga:
 1. Nakat-onan nato sa Roma 8 nga iliso gyod nato ang atong pagkatawo Kaniya nga buhi nga nagpuyo sa atong espiritu ug kanunayng mausa Niya—v. 6; 1 Cor. 6:17.
 2. Ipatumong ngani nato sa espiritu ang atong salabotan, duna tay kinabuhi, kalinaw, kahayag, kahayahay, ug kalig-on; makuha ang atong kauhaw, ug mabusog ta—Rom. 8:5, 6; Juan 4:14; 7:37-38; Mat. 5:6.
 3. Ipatumong ngani nato sa espiritu ang atong salabotan, mapuno sa kinabuhi ug kalinaw ang atong salabotan—Rom. 8:6:

- a. Duna tay kalinaw kay wala may panagbangi sa paggawi nato sa gawas ug sa pagkatawo nato sa sulod—v. 6; Isa. 9:6-7; 26:3.
- b. Mamulong ngani ta nga nagpatumong sa atong salabotan sa espiritu, ipakalawas ang kinabuhi sa atong mga pulong kay nausa man ta ka espiritu sa Ginoo—Prov. 18:21; Juan 6:63; Efe. 4:29.